



Broj: 01-02-2-1213-1/17
Sarajevo, 22.12.2017. godine

Na osnovu člana 61. stav 2. Zakona o upravi („Službeni glasnik BiH“, br. 32/02, 102/09 i 72/17), člana 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 26/04, 37/04, 48/05, 2/06, 32/07, 43/09, 8/10 i 40/12), člana 40. Odluke o načelima za utvrđivanje unutrašnje organizacije organa uprave Bosne i Hercegovine („Službeni glasnik BiH“, broj 30/13), čl. 10. i 11. Pravilnika o unutrašnjoj organizaciji Agencije za državnu službu, br: 03-02-187/05 od 15.12.2005. godine i 01-02-3-533-8/15 od 20.08.2015. godine, te na osnovu člana 4. Odluke o uspostavljanju i radu Pravnog savjeta Agencije za državnu službu Bosne i Hercegovine, broj 01-02-2-1213/17 od 7.12.2017. godine, direktor Agencije, donosi

R J E Š E N J E
o formiranju Pravnog savjeta
Agencije za državnu službu Bosne i Hercegovine

I

Ovim rješenjem formira se i detaljno reguliše sastav, zadaci i rad Pravnog savjeta Agencije za državnu službu Bosne i Hercegovine (u daljem tekstu: savjet), kao radnog tijela koje se osniva u Agenciji za državnu službu Bosne i Hercegovine (u daljem tekstu: Agencija), radi izvršavanja zadataka utvrđenih ovim rješenjem.

II

Savjet djeluje kao prošireni stručni kolegij Agencije, te se na isti primjenjuju uslovi kao na kolegij, ukoliko ovim rješenjem nije drugačije propisano.

III

U sastav savjeta ulaze svi članovi stručnog kolegija (direktor, savjetnik direktora i pomoćnici direktora, bez obzira na kvalifikaciju, odnosno stručnu spremu), te svi zaposleni ili angažovani u Agenciji koji imaju zvanje diplomiranog pravника ili ekvivalenta (bachelor/bakalaureat prava), te zaposleni ili angažovani koji su završili visoko obrazovanje pravnog ili sličnog usmjerenja:

1. Neven Akšamija, predsjedavajući,
2. Bojan Golić, sekretar,
3. Stanislavka Ilić,
4. Jadranka Mandarić,
5. Enisa Zec,
6. Sanja Jelić – Širić,
7. Olja Papaz,
8. Sanja Nurkić,
9. Andrea Kadribašić,
10. Kemal Jahić, zapisničar.

IV

U slučaju odsustva predsjedavajućeg, sekretara ili zapisničara, njihove funkcije obavljat će članovi koje odredi savjet, pri čemu funkciju predsjedavajućeg i sekretara obavljaju po pravilu rukovodeći državni službenici.

Izuzetno, funkciju zapisničara može obavljati i drugi državni službenik ili zaposlenik kojeg odredi predsjedavajući.

V

Savjet zasjeda u prostorijama Agencije, a izuzetno u opravdanim slučajevima, savjet može zasjedati na drugom mjestu.

VI

Sjednice savjeta se održavaju po potrebi.

Savjet može u određenim u pravilu hitnim slučajevima, donijeti odluku bez održavanja sjednice, na način da se svi članovi savjeta upoznaju sa svim relevantnim informacijama, načelno putem elektronske pošte, kojim putem će se održati i glasanje.

VII

Za donošenje odluka potrebno je da sjednici prisustvuje više od polovine članova savjeta.

Član savjeta se ne može uzdržati od glasanja, te je dužan dati svoj glas „za“ ili „protiv“, pri čemu se na zahtjev najmanje trećine članova savjeta glasanje odvija tajno.

Odluka je donesena ako za nju glasa više od polovine prisutnih članova.

VIII

Odluke savjeta donose se u formi mišljenja i preporuka, i evidentiraju se direktno na zapisnik sa sjednice.

Ukoliko se to ocijeni potrebnim, može se sačiniti posebna pismena odluka koja sadržava relevantni izvod iz zapisnika.

IX

O sjednicama savjeta vodi se zapisnik.

Zapisnik po pravilu potpisuju svi prisutni članovi savjeta, a u svakom slučaju ga potpisuju predsjedavajući, sekretar i zapisničar.

X

Na sva pitanja koja nisu regulisana ovim rješenjem, primjenjuju se shodno ili neposredno odredbe Poslovnika o radu stručnog kolegija Agencije.

XI

Poslovnik o radu stručnog kolegija usvojiti će se najkasnije u roku od 30 dana od dana donošenja ovog rješenja.

XII

Ovo rješenje izmijenit će se i/ili dopuniti u slučaju ukazane potrebe uz saglasnost savjeta, a obavezno na prijedlog najmanje polovine članova savjeta.

XIII

Ovo rješenje primjenjuje se od 1. januara 2018. godine.

Dostavljeno:

- oglasna tabla
- članovi savjeta
- arhiva



DIREKTOR

Neven Akšamija
Neven Akšamija